

INUIT ATAQATIGIIT

INATSISARTUNI



Nuuk, 19. August 2011

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

- 1) **Naalakkersuisut pilersaaruteqarpat tunumi umiarsuakkut assartuussinerup tunumi innuttaasunut peqqinnarnerusumik atugaqalernissaannut qanillattuisumik?**
- 2) **Naalakkersuisut Assartuussineq pillugu Isumalioqatigiissitaat tunumi umiarsuarmik inuussutissatigut assartuussinermullu tunngasumik inassuteqanngilaq, tamanna sumik tunngaveqarpa?**
- 3) **Naalakkersuisut 3. marts 2011 UPA 2011 immikkoortoq 97-mut tassa Nunat Avannarliit killiit Siunnersoqatigiiffiata kaammattuutitut aalajangersagaanik Nunatsinni Naalak-kersuisunut, Savalimmiuni Naalakkersuisunut Islandimilu Naalakkersuisunut nunani avannarlerni killerni timmisartunik umiarsuarnillu angallannermi attaveqaatit pitsanngornissaanut siunertaqartumik oqallinnermi Naalakkersuisut tapersiisinnaaneraput. Taassumalu saniatigut Nunat Avannarliit Killiit Siunnersoqatigiiffiata 2010-mi ukiakkut kaammattuutitut aalajagersagaannik (imm. 78) Nunat Avannarliit Killiit Siunnersuisoqatigiiffiata Kalaallit Nunaanni Naalakkersuisut Kalaallit Nunaata Kangiata (Tunup) allatut pilersorneqarsinnaaneranut periarfissanik misissuisitseqqullugit, pilersuisussaataitanermut isumaqatigiissutip atuuttup tamatumunnga aporfissaqartitsisinnaaneramik naliliinertalimmik kissaateqartoqarpoq. Naalakkersuisut tamanna iliiuseqarfigaat? Tamannalu iliiuseqarfiginiarneqarpat, qanoq Naalakkersuisut siunniussaqaarpat?**
- 4) **Naalakkersuisut Assartuussineq pillugu isumalioqatigiisitaasa innersuussutigaaat sineriak sinerlugu imaatigut angallassinnermi aningaasaqarneq eqqarsaatigalugu Namminersorlutik Oqartussat sineriak sinerlugu ilaasunik imaatigut angallannikkut aningaasatigut tapersiisarnertik unitsittariaqaraat, tamanna Naalakkersuisut qanoq isumaqarfigivaat? tamannalu Naalakkersuisut isumaqatiginngikkunikku angallannikkut assartuussinikkullu aningaasaqarneq qanoq inuiaqatigiinnut massakkumit iluaqutaasinnaaninngorlugu iliiuseqarfiginiarpaat?**

(Inatsisartuni ilaasortaq Jane Petersen, Inuit Ataqatigiit)

Tunngavilersuut.

Nunatsinni inuuniarnerup ilusilersorneqarnera inuussutissarsiuteqarnikkut periarfissanik aallaaveqarpoq. Taamaattumillu inuussutissarsiornerup ineriartorteqqinnissaanik Naalakkersuisut Nunap immikkoortuini ineriartortitsinissamut periusissamik siunertaqarput, tamannalu isumaqatigaara. Nunap immikkoortuini ineriartortitsinissami timmisartutigut umiarsukkullu assartuussinerit annertuumik sunniuteqartussaapput. Taamaattumik paaserusuppara tunumi umiarsuurtigut assartuussinerit qanoq Naalakkersuisunik isumaqarfigineqarnersut. Taassuma saniatigut paaserusuppara Nunat Avannarliit Killiit Siunnersoqatigiiffiata tunup allatut pilersorneqarsinnaaneranut periarfissanik Naalakkersuisut iliiuseqarsimanersut.

Nunatsinni innuttaasut timmisartumik umiarsuarmillu angallannermut tunngatilligu pitsaa-

sumik atugaqartinneqarnissaasa qularnaarneqarnissaat Naalakkersiusut suliaqartitsereerput, tamannalu naatsorsuutigaara tunumi umiarsuakkut assartuussineq aamma ilaatinneqarsimassasoq.